



類苑叢寶

1カ
1493
225

共二十三




類苑叢寶卷之九

帝王門

明堂

釋名明堂猶堂堂高明顯也 大戴禮曰明堂者凡九室一室而有四戶八牖以茅蓋屋上圓下方所以

明諸侯尊卑也外水名曰辟雍 周書曰明堂東方曰青陽南方曰明堂西方曰總章北方曰玄堂中央曰太廟左為左介右為右介 蔡邕曰明堂者天子太廟也所以宗祀而配上帝明天地統萬物也 五經釋例曰告朔行政謂之明堂 白虎通曰禮三老於明堂所以教諸侯孝禮五更於太學所以教諸侯悌 家語曰孔子觀乎明堂覩四門之牖有堯舜桀紂之像而



門 1493
卷 22-5

各有善惡之狀與廢之戒焉 尸子曰黃帝曰合宮有虞曰終
章啟人曰陽館周人曰明堂 淮南子曰古者明堂之制下之
潤濕不能及也上之霧露不能入也所以饗上帝禮鬼神示人
知節也 漢書曰上欲治明堂未曉其制度濟南人公玉帶上
黃帝時明堂圖圖中有一殿四面無壁以茅蓋屋通水水園宮
垣為複道上有樓後西南入名曰崑崙天子從之 三輔黃圖
曰明堂者明天道之堂也所以順四時行月令宗祀先王祭五
帝故謂之明堂 禮論曰或以明堂者文王廟周時德澤和洽
蒿茂大以為宮柱名為蒿宮

辟雍

禮記天子曰辟雍諸侯曰泮宮 白虎通曰辟雍外
圓內方明德當圓行當方教養也明堂論曰辟雍外圓
內方擬王者動作法天地水環四周譬德廣四海也不知泮水
象諸侯行不當方德不當廣乎其釋辟雍雖明而於泮水則擬
桓譚新論曰王者作圓池如璧形實水其中以園壘之故曰
辟雍言其上承天地以班教令流轉王道周而復始 陸機策
秀才曰明堂崇上帝清廟寧祖考辟雍班教化太學講藝文祭
邑謂之一物何也紀瞻對曰取其宗禮之順曰清廟取室之類
曰太室取堂曰明堂四門之學曰太學取園曰辟雍也 白虎
通曰辟積也積天下之道德雍天下之殘賊

靈臺

靈臺在明堂之右其高九仞在國之南上以觀休祥之變 洪範傳天子立靈臺所以觀天文之變而候

日月 夏曰清臺殷曰神臺周曰靈臺

朝會

周禮春見曰朝夏見曰宗秋見曰覲冬見曰遇時見曰會殷見曰同春朝諸侯而圖天下之事秋覲以比邦國之功夏宗以陳天下之謀冬遇以協諸侯之慮時會以發四方之禁殷同以施天下之政 叔向曰明王之制使諸侯歲聘以志業間朝以講禮再朝而會以示威再會而盟以著昭明志業於好講禮於等示威於衆昭明於神 穀梁傳曰天子無事諸侯相朝正也考禮修德所以尊天子也 白虎通曰朝見

也五年一朝備文德而明禮義也 玉藻云朝辨色始入君日

出而視之迎道路寢聽政使人視大夫大夫退然後適小寢釋

服 禮經解云聘覲之禮廢則君臣之位夫諸侯之行惡而倍

畔侵凌之敗起矣 儀禮云多貨則傷于德注云貨天地所化

生謂玉也君子于玉比德焉朝聘之禮以為瑞節重禮也多之

則是主於貨傷敗其為德 白虎通云凡臣見君必有贄贄者

質也致已質誠也公侯以玉為贄者取其燥不輕濕不重也大

夫以鴈為贄者取其飛成行止成列也士以野雞為贄者取其

不可誘之以食賫之以威畢死不可畜也 周禮小行人掌邦

國賓客之禮籍以待四方之使者合六幣圭以馬璋以皮璧以

帛琮以錦虎以繡璜以繡此六物者以和諸侯之好故也又云卿執羔大夫執鴈士執雉庶人執鶩工商執雞注羔小羊也取其群而不失其類鴈取其候時而行鶩取其不飛遷雞取其守時而動又云九州之外謂之藩國世一見各以其所貴寶為贄注去藩國之君無執玉瑞者所貴寶若大戎獻白狼白鹿是也

饗燕

周官曰以饗燕之禮親四方之賓客言四方之賓客來聘王為設饗燕之禮禮記曰諸侯宴禮俎豆牲

醴薦羞皆有等差所以明貴賤也又曰奠酬而工升歌發德也注云以詩之義明賓主之禮毛詩曰湛露天子燕諸侯也

帝王世記曰堯見舜于貳宮設饗禮迭為賓主左傳云朝

聘有圭享纁有璋小有述職大有巡功設機而不倚爵盈而不

飲宴有好貨殮有陪罪八有郊勞出有贈賄禮之至也此為諸

侯來朝為設宴饗之禮也周禮上公之禮饗九獻侯伯之禮

饗七獻子男之禮饗五獻聘禮云君不親食使大夫朝服致

之以侑幣注云君不親食謂有疾病及他故必致之者不廢其

禮也衛甯武子聘魯魯侯與之燕為賦湛露及彤弓不辭

又不答賦使行人私焉對曰昔諸侯朝正於王王燕樂之於是

賦湛露則天子當陽諸侯用命也諸侯敵王所愾而獻其功於

是平王賜之彤弓及矢今陪臣來繼舊好君辱貺之其敢于大

禮以自取戾 周王使周公闕聘魯饗有昌獸白黑形鹽醪曰
國君文足昭也武可畏也則有備物之饗以象其德薦五味着
嘉穀鹽虎形以獻其切吾何以堪之 日令云孟夏之月天子
飲酎用禮樂鄭注云酎之言醇也謂重釀之酒也春酒至此始
成與羣臣以禮樂飲之于朝正尊卑也 玉藻云君子之飲酒
也受一爵而色洒如也二爵而言言斯禮已三爵而油油以退
鄭注洒如肅敬貌言言和敬貌油油悅敬貌 魚藻篇云王在
在鎬豈樂飲酒按鄭箋云豈亦樂也天下平安萬物得其性武
王處于鎬京樂八音之樂與羣臣飲酒 郊特牲士賓入大門
而奏肆夏亦易以敬也注易和說也 左傳穆叔如晉晉侯享

之金奏肆夏之三不拜工歌文王之五又不拜歌鹿鳴之三三
拜韓獻子曰吾子舍其大而重拜其細何禮也對曰三夏天子
所以享元侯也使臣不敢與聞文王兩君相見之樂也臣不敢
及鹿鳴君所以嘉賓者也敢不拜嘉四牲所以勞使臣也敢不
重拜皇皇者華君教使臣曰必咨于周臣聞之訪問於善為咨
咨親為詢咨禮為度咨事為度咨難為謀臣獲五善敢不重拜
晉侯使士會平王室定王饗之原襄公相禮殺烝武子私問其
故王聞之召武子曰季氏而弗聞乎王饗有体薦燕有折俎公
當饗知當燕王室之禮也 陳既臧之殺酌成禮之酒 資飲
食以合歡用歌舞而飾喜 享以禮成是敦恭儉賓田賢序必

慎威儀 備乾示禮將省以威儀禮薦訓恭不專於醉飽 行
出門之恭拜迎而入展至階之敬揖讓而升 類函

錫宴喜雨

宋太祖大宴兩暴作上不悅趙普奏曰外面百姓
正望兩官家大宴何妨只損得些陳設濕得些樂官衣裳但令
雨中作雜劇更可笑上大喜宣令雨中作樂又宣勸滿飲盡歡
而罷 **宴廣達樓** 唐河西節度使王君奭破吐蕃以功遷左羽
林大將軍明皇宴君奭及其妻夏氏於廣達樓賜金帛夏亦自
以戰功封武成郡夫人 **宴王津園** 宋孝宗宴輔臣王津園謂
葉衡等曰朝廷用人止論其賢否如何不可有黨如唐之牛李
其黨相攻四十年不解皆緣主聽不明所以致此 **優人入殿**

范蜀公東齋遺事宋仁宗朝與侍臣賞花釣魚宴賦詩天聖中
永興軍進山水石上因命賦山水石頭出于不意詩多荒惡者
中坐優人入戲各執紙筆着吟詠狀一人忽仆於石上日數日
來作賞花釣魚詩堪備應制却被石頭擦倒明日降出詩命
中書銓定內鄙惡者與外任

藉田

說文曰帝藉千畝者使民如借故謂之藉 周官曰
上春詔王后帥六宮之人而生種稷之種而獻之于
王又曰甸師掌率其屬而耕藉王藉以時入之以供粢盛 禮
記曰孟春之月天子乃以元日祈穀于上帝天子親載耒耜帥
三公九卿諸侯大夫躬耕帝藉天子三推三公五推卿諸侯九

推廣人終畝反乃執爵於太寢命曰勞酒 又曰天子耕于南
郊諸侯耕于東郊 又曰天子為籍千畝冕而朱紘諸侯百畝
冕而青紘躬執耒以事天地山川社稷先古以為醴酪馨盛於
是乎取之敬之至也 國語曰宣王即位不籍千畝虢公諫曰
夫民之大事在農上帝之業盛於是乎出民之蕃庶於是乎生
事之供給於是乎在財用蕃殖於是乎始先時九日太史告稷
曰陽氣俱蒸土膏其動即以告王王即御事王耕一墾班三之
庶人終乎千畝也王不聽 注一墾一耦之發也廣尺也班次也
三之謂公卿大夫也公三發卿六發
大夫 漢文帝二年正月詔曰夫農天下之本其開籍田朕親率
耕以給宗廟粢盛 永平十三年二月耕籍田畢賜觀者食

漢官儀曰天子升壇公卿耕訖當夫下種籍田亦曰帝籍亦曰
耕籍亦曰東籍亦曰親耕亦曰王籍 又曰東耕之日親率公
卿戴青幘載青車駕蒼馬公卿以下車駕如常法 梁籍田儀
注曰其田東去宮八里遠十六里為千畝立方壇以祠先農
禮記曰耕籍所以教諸侯之養也 又曰乃擇元辰天子親載
耒耜置之車右公卿諸侯大夫躬耕籍田晉輿服志金振車天
子親耕所乘也置耒耜於軾上 黃瓊上言先農之禮所宜躬
親以迎春和以致時雨 國語大瞽師音官以省風土廩於籍
東南鍾而藏之注音官樂官也廩御廩一名神倉東南生長之
處鍾聚也 又云司空除壇于籍先時五日瞽告有協風至王

即齊宮百官御事各即其齊三日王乃淳濯及期裸鬯饗醴乃
行藉田之禮齊則王教之典闕矣勸農之道缺矣 將率三
推誠本農於石稷不藉千畝豈貽諫於號公 既種既稼將耒
耜以率先躬不親豈染盛之致信 載陟青壇肅事接神之
禮躬推黑耜用恢敦本之風

親蠶

禮記曰古者天子諸侯必有公桑蠶室近川而為之等
宮仞有三尺棘牆而外閉之 又曰季春之月后妃齋

戒享先蚕

天駟星也

躬桑以勸蚕事孟夏之月蚕事既畢后妃獻

繭乃收繭稅以桑為均貴賤長幼如一 又曰蚕事既登公繭
拊絲以供郊廟之服 祭統曰王后蚕於北郊以供純服夫人

蚕於北郊以供冕服王后夫人非莫蚕也身致自誠信也 周
禮曰仲春詔后率外宗內命婦始蚕于北郊以為祭服 五禮
先蚕注曰親蚕而二日太祝令實明以太牢祀先蚕 皇后親
蚕儀注曰皇后躬桑始將一條執筐受桑 漢書曰孝元玉皇
后為太后幸蚕館率皇后及列侯夫人桑於北郊 明德馬皇
后置織室於濯龍中數往來觀視 輿服雜事曰蚕始生后食
之三灑而止 祭義曰太昕之朝君皮弁素帳卜三宮夫人世
婦之吉者使入蚕于蚕室奉種浴於川桑于公桑風戾以食之
歲既單矣世婦卒蚕奉繭以示君遂獻繭於夫人夫人曰此所
以為君服與遂副褱而受之因少牢以禮之古之獻蚕者其率

用此歟及良日夫人縹三盆手遂布于三宮夫人世婦之吉者
使縹遂朱縹之玄黃之以為黼黻文章君服以祀先王先公敬
之至也 晉禮志漢儀皇后親蚕桑東郊苑中蚕室祭蚕神曰
苑窳婦人寓氏公主祠用少牢侍中成察草定其儀取列僕妻
六人為蚕毋擇吉日皇后著十二笄步搖衣青黃油蓋雲母安
車駕六馱馬女尚書陪載筐鉤外命婦皆步搖青衣各載鉤筐
先祭二日蚕室生蚕著薄上桑日皇后未到太祝皆明以太牢
祀之祠畢班餘帛於從桑后東面躬桑採三條諸妃公主採五
條郡縣已下九條以桑受蚕母

巡狩

風俗通曰巡者循也狩者牧也道德太平王者為天循
行以牧人也恐遠近不同化幽隱有不得所者故自躬

親行之 禮記曰王者必制巡狩之禮何尊天重民也所以五
年一巡狩何五歲兩閏天道大備王者恩亦當竟也所以至四
嶽者盛德之山四方之中能興雲致雨 又曰五年一巡狩望
祀山川觀諸侯問百年者就見之命太師陳詩以觀民風命市
納賈以觀民之好惡 周禮曰職方氏掌天下之圖王巡狩則
戒于四方曰各修平乃守攷乃職事無敢不敬戒 白虎通曰
巡狩所以四時出何當承宗廟故不踰也以夏之中月同律度
得其中也 帝王世紀曰舜東巡狩登南山觀河渚受圖書褒

賜群臣 三齊略記曰堯山在廣固城西七里堯巡狩所登遂
以為名山頂立祠祠邊有栢樹枯而復生不知幾代對也 黃
帝太一密推曰欲先知巡狩之年當視太一與天目在四維之
歲法為巡狩 漢書曰元封元年行自雲陽北歷上郡西河五
原出長城登單于臺臨北河勒兵十八萬騎旌旗十餘里威震
匈奴還登封太山 元封五年冬行南巡至於盛唐望祠虞舜
于九疑登天柱山自尋陽浮江親射蛟江中獲之舳艫千里薄
樅陽而出作盛唐樅陽之歌又登之罘浮大海山稱萬歲 章
帝東巡至岱宗祀五帝於汶上明堂耕於定陶 蔡邕獨斷曰
巡狩校獵還公卿以下陳雒陽都亭前街上乘輿到公卿下拜

天子下車公卿親識顏色然後還宮古語曰在車則下唯此時
施行微行 漢武帝嘗至柏谷夜投亭宿亭長某內乃宿於逆
旅翁謂上曰汝長大多力當勤稼穡何忽薄劍群聚夜行動眾
此不欲為盜則淫耳上默然不應曰乞漿飲翁曰吾止有甔無
漿也有項還內上使人覘之見翁方要少年十餘人皆持弓矢
刀劍令主人媪出安過客媪歸請其翁曰吾觀此丈夫乃非常
人也且亦有備不可畜也不如曰禮之其夫曰此易與耳鳴鼓
會集討此群盜何憂不尅媪曰且安之令其眠乃可畜也翁後
之時止從者十餘人既聞其謀皆懼勸上夜去上曰去必致禍
不如且止以安之時天寒媪酌酒多與其夫諸少年皆醉媪出

謝容殺雞作食平明上去是日還宮乃召廷旅夫妻見之賜姬金十斤其未為羽林郎自是懲戒希復微行

學校

有虞氏大學為上庠小學為下庠夏后氏大學為東序小學為西序殷制大學為右學小學為左學又曰

瞽宗

瞽無目之名喻童蒙也

周制大學為東膠小學為虞庠

師氏掌以

微詔曰以三德教國子一曰至德以為道本二曰敏德以為行本三曰孝德以知逆惡教三行一曰孝行以親父母二曰支行以尊賢良三曰順行以事師長凡國之貴游子弟學焉凡學必時春夏學干戈秋冬學羽籥皆於東序春誦夏絃太師詔之瞽宗秋學禮執禮者詔之冬讀書典書者詔之禮在瞽宗書在上

庠大學之禮雖詔於天子無北面所以尊師也一年視離經辨志三年視敬業樂群五年視博習親師七年視論學取友謂之小成九年知類通達強立而不反謂之大成夫然後足以化民易俗此大學之道也王制修六禮以節民性明七教以興民德齊八政以防民淫一道德以同俗養耆老以致孝恤孤獨以逮不足上賢以崇德簡不肖以紕惡命鄉簡不帥教者以告于王王命三公九卿大夫元士皆入學不變王親視學不變命國之右鄉簡不帥教者移之左命國之左鄉簡不帥教者移之右如初禮不變移之郊不變移之遂不變屏之遠方終身不齒周禮大司樂職掌成均之法以治建國之學又云保氏掌諫

王惡而養國子以道乃教之六藝一曰五禮二曰六樂三曰五射四曰五馭五曰六書六曰九數 又云以樂舞教國子舞大戴禮帝入東學尚親而貴仁入西學尚賢而貴德入南學尚齒而貴信入北學尚貴而尊爵入太學承師而問道 物理論曰學者植也 五經通義曰三王教化之宮統名為學 尚書大傳曰稷鉏已歲歲事欲畢餘子皆學十歲始入小學見小節踐小義十八始入大學見大節踐大義 三輔黃圖曰禮小學在公宮之南大學在東就陽位也去城七里東為常滿倉倉之北為槐市列槐樹數百行為隧無墻屋諸生朔望各持其郡所出貨物及經傳書記笙磬樂器相與買賣雍容揖讓論義槐下

鍾離意為魯相修孔子廟孔子堂道有雍意召守廟孔訢問曰此何等雍訢曰夫子獲背皆有書故自夫子亡後無敢設者意乃發得素書焉 魏蔣濟奏學者不恭肅慢師酗酒好訟罰飲水三升 門堂位云米廩有虞氏之庠也序夏后氏之序也瞽宗殷學也類宮周學也鄭注云庠序亦學也庠之言詳也於以考禮詳事也魯謂之米廩虞帝之庠人感樂盛之季焉序次序王事也 周禮大司徒以本俗六安萬民一曰微官室二曰族墳墓三曰聯兄弟四曰聯師儒五曰聯朋友六曰同衣服 釋奠 周禮凡始立學必釋奠于先聖先師及行事必以幣 凡學春官釋奠于先師秋冬亦如之 始立學者既豐

冠用幣然後釋菜不舞不授鬼乃退賓于東序一獻無介語可也 天子視學大所鼓微所以警眾也眾至然後天子至乃命有司行事興秩節祭先師先聖焉有司卒事反命將出征受命於祖受成於學出征執有罪反釋奠于學以訊馘告 禮記曰釋奠即舍菜舍菜即祭菜然則國子入學以蘋蘩告誠祀其師以示敬道也鄭玄注云菜芹藻之屬 又曰天子乃獻羔開冰先薦寢廟上丁命樂正習舞釋菜天子乃率公卿諸侯大夫親往視之 夏小正曰二月丁亥萬用日丁亥者吉日也萬者于戚舞也 晉武王入殷而封先代之後蓋追思其德也孔子大聖終於陪臣未有封爵至漢元帝時孔勣以帝師號褒成侯奉

孔子後魏黃初二年以議郎孔羨為宗聖侯奉孔子祀魏齊王正始二年始太常釋奠以太牢祀孔子於辟雍以顏回配晉禮志仲春上丁釋奠于孔宣父以顏回配焉其七十二弟子及先儒並從祀仲秋之月亦如之仲春上戊釋奠于齊太公以留侯張良配焉仲秋之月亦如之州縣官亦如之唐典

養老

禮記曰有虞氏養國老于上庠養庶老于下庠夏后氏養國老于東序養庶老于西序殷人養國老于右學養庶老于左學周人養國老于東膠養庶老于虞庠虞庠在國之西郊 又曰凡養老有虞氏以燕禮夏后氏以饗禮殷人以食禮周人修而兼用之注兼用之備陰陽也凡飲養陽氣凡

食養陰氣陽用春夏陰用秋冬 孝經云治其國者上老故雖天子必有尊也 禮記云虞氏貴德而尚齒夏后氏貴爵而尚齒殷人貴富而尚齒注云貴謂燕賜有加於諸臣也尚謂有司尊之於其黨也 又曰天子巡狩諸侯待于境天子先見百年者 周禮羅氏職云中春羅春鳥獻鳩以養國老行羽物注春鳥鵲而始出者 漢書仲秋之月縣道皆案戶比民年始七十者授之以玉杖舖之糜粥八十九十者禮有加賜玉杖長九尺端以鳩鳥為飾鳩者不噎之鳥也欲老人不咽 禮記云釋奠於先老遂設三老五更群老之席位焉注三老五更各一人也皆年老更事致仕者也天子以父兄養之示天下之孝悌也名

以三五者取象三辰五星天所目以昭明天下者羣老無養禮古以鄉飲禮言之帝位之處則三老如賓五更如介群老如衆賓 天子袒而割牲執醬而饋執爵而酌所以教諸侯悌也禮曰九養老五帝憲養氣體而不乞言有善則記之為悌史三王亦憲既養老而後乞言徵其禮皆有悌史注憲法也法其德行

蒐狩 傳曰成有岐陽之蒐所以示諸侯禮也諸侯所用命也周禮大司馬仲秋教振旅遂以蒐田仲夏教蒐舍遂以蒐田仲秋教治兵遂以獮田仲冬教大閱遂以狩田 禮曰頒禽隆於長者而獮達於蒐矣 又曰畋獵有禮故戎事閑

也 白虎通曰王者諸侯所以田狩者何也為田除害上以供
宗廟下以簡集士眾也故爾雅曰春獵為蒐夏獵為苗秋獵為
獮冬獵為狩注蒐為搜索取不任者苗為苗稼除害捕為獮殺
氣狩為得獸此則為田除害之義 穀梁傳云秋蒐于

紅禮之大者也刈蘭以為防置柱以為轅門過防弗逐不逐奪
之道也面傷不獻不成禽不獻禽雖多天子取三十焉其餘與
士眾 季春出火為焚然後簡其車賦而歷其卒恒而親誓社
以習軍旅左之右之坐之起之以觀其習變也而流示之禽鹽
之利以觀其不犯命也求服其志不貪其得禁毒矢同禮禁毒矢射
禁沈澤謂毒藥沈水不殺胎無探卵不殫物無藥獸飲獸之藥無出國門

射不剪謂向已者取以道 暮天乙之仁且開羅網卜涓濱之獵不

在熊羆鑿五子之戒無及于荒考三驅之文不專於殺 畋
雖中禮不取於蚺蜥殺亦有仁無及於麇卵

郊天 夫聖人之運莫大乎承天帝堯命義和敬順昊天故郊
以明天道也所從來尚矣通周制大司樂云冬至祀

天於地上之圓丘因以折輟其壇名泰壇在國南五十里 甫

雅曰祭天曰燔柴 禮記曰郊之祭掃地而祭於其質也甞用

陶匏以象天地之性也於郊故謂之郊 周書曰乃設丘兆於

南郊以祀上帝配以后稷農皇先王皆與食 五經通義曰王

者所祭天地何王者父事天母事地故以子道祭日以丁與柔

何丁者反覆丁寧也辛者自克辛也 漢書曰帝王之事莫大於承天之序承天之序莫重於郊祀故聖王盡心極慮以建其制祭天於南郊就陽之義也 禮記云郊所以明天道也萬物本乎天郊之祭也報本反始也 白虎通云祭天必以祖配何自內出者無足不行自外至者無主不立故推其始祖配以賓主順天意也 又云王者所以祭天何緣祀父以祭天也 又云祭天作樂者為降神

南郊暴雨 後漢書丹陽方儲善天文為洛陽令章帝欲出南郊儲上言當有疾風暴雨乘輿不可以出上疑其妄儲飲鴆而死果有大風暴雨洛陽晝暝 靈帝迎氣黃郊道於洛水西橋

逢暴風雨道後鹵簿車或發蓋百官雲霧還不至郊使有司行禮迎氣北郊

朝日夕月

周禮以柴祀日月星辰日壇曰王宮月壇曰夜明 牲幣俱色赤樂與祭五帝樂同禮神之玉以珪璧 凡祭日月歲有四焉迎氣之時祭日於東郊祭月於西郊一也二分祭日月二也祭儀云郊之祭大報天而主日配以月三也月令十月祭天宗合祭日月四也 禮記云祭日於壇祭月於坎以別幽明祭日於東祭月於西以別內外 王者父天而母地况日而姊月故常以春分朝日秋分夕月

六宗

書曰禋于六宗孔安國曰所宗者六皆潔祀之祭法曰埋少牢于太昭祭時也相近于坎壇祭寒暑也王官祭日也夜明祭月也鸛祭星也雩祭水旱也王甫曰六宗坎為水離為火震為雷巽為風艮為山兌為澤五經典義曰天宗日月北辰也地宗岱山河海也日月為陰陽宗北辰為星宗岱為山宗河為水宗海為澤宗也摯虞新禮儀云六宗者大極中和之氣六氣之宗也歐陽家說謂六宗者在天地四方之中為上下四方之宗以尚書大傳云萬物非天不生非地不載非春不動非夏不長非秋不收非冬不藏禋于六宗此之謂也張純曰六宗祝祖考所尊者六宗則三昭三穆也

五祀

漢舊儀云五祀謂五行之官金木水火土也木正曰句芒火正曰祝融金正曰蓐收水正曰玄冥土正曰后土皆古賢能治成五行有功者也主其神祀之白虎通云五祀謂門戶井竈中雷也人之所處出入所飲食故為神而祀之祭五祀天子諸侯以牛卿大夫以羊因四時牲也一說戶以羊竈以雉中雷以豚門以犬井以豕或曰中雷用牛餘不得用

國哀

告喪曰天王登假音霞措之廟立之主曰帝禮周書曰謚者行之跡是以大行受大名細行受細名漢書曰皇帝新崩未有定謚故總其名曰大行皇帝賈誼疏曰朝委裘而天下不亂孟康曰委裘者容衣天子未坐朝事先帝衣

衮也漢書官車晏駕帝乃殂落八音遏密萬國縞素

叩心稽顙行號巷哭君薨百官總已以聽於冢宰先王遺

世猶貽之法天子之殯也黃塗龍輅以棺加斧於擲上畢塗

屋天子之禮也檀弓顏柳曰天子龍輅而擲壽上同馮相告授

宸駕長往冊文鳳翼啓行龍輓在御類要慕龍輅而不駐瞻鳳

綽以方選淚為雨於宸極哭成雷於郊郭擁馳道者皆往

獨宮車者不歸冊並表百姓如喪考妣弗吊天降割于我家不

少延書閔予小子遭家不造嬛嬛在疚詩三后在天死入孺慕

宗廟

尚書大傳曰廟者貌也其以貌言之也釋名曰宗

尊也廟貌也先祖形貌所在也禮記曰天子七廟

三昭三穆與太祖之廟而七諸侯五廟二昭二穆與太祖之廟

而五大夫三廟一昭一穆與太祖之廟而三士二廟庶人祭於

寢遠廟為祧去祧為壇去壇為墀去墀為鬼又曰凡祭宗廟

之禮牛曰一元大武豕曰剛鬣豚曰脂肥羊曰柔毛鷄曰翰音

犬曰羹獻雉曰醢趾兔曰明視脯曰尹祭稟魚曰商祭鮮魚曰

胾祭水曰清滌酒曰清酌黍曰薌合梁曰薌蕡稷曰明粢稻曰

嘉蔬韭曰豐本鹽曰鹹醢玉曰嘉玉幣曰量幣說文曰宗廟

之木主名曰祐五經要義曰木主之狀四方穿中央以達四

方天子長尺二寸諸侯長尺皆刻謚于其背 又曰諸侯會天子則以方明為主觀禮云明木也其形四面方六上玄下黃東青南赤西白北黑方明者上下四方神明之象也 凡廟之主藏於外戶北牖下有石函故名宗祐 張方曰古者先王日祭月享時類歲祠諸侯會日卿大夫舍月士庶人舍時 書云七世之廟可以觀德注天子七廟必有德之主則為祖宗其廟不毀故可觀德 白虎通云聖王所以制宗廟何曰生死殊路故敬鬼神而遠之所以有屋何所以象生之居 又云王者祭宗廟親自取禽者尊重先祖必欲自致也 穀梁云禮宗廟之事君親割夫人親春歆之至也 漢舊儀云原廟一歲十二祀有

閏加一祠皆用大牢 白虎通云祭宗廟所以禘祫何尊人君貴功德廣孝道也 三年一祫五年一禘禘之為言禳也序昭穆禘父子也祫合也禘祫謂之殷祭祫大而禘小

白虎銜肉

宣帝立孝武廟于東宮告祠日見白虎銜肉置殿

前白龍夜見神光滿殿如秋月 郊祀志云宣帝即位由武帝正統興故立三年尊孝武廟為世宗行所巡狩郡國皆立廟告祠世宗廟日有白鶴集後庭 又云以立世宗廟告祠孝昭寢有鴈五色集殿前光明殿上 郊祀志云廣川國世宗廟殿上有鍾音門戶大開夜有光殿上盡明 西河等世宗廟神光興于殿前有鳥如白鶴前赤後青神光又興于房中如燭狀 **孔寢**

為金

漢武故事云宣帝立孝武廟河東告祠日見一人騎白

馬馬異於常馬持尺一扎賜將作匠文曰汝賃客成賜汝金一

斤日忽不見扎乃變為金秤有一斤漢帝廟名景帝廟名德

陽宣帝長壽武帝龍淵文帝顧成昭帝徘徊

配享 太昊祠勾芒配 炎帝祝融黃帝風后力牧高陽玄

真高辛后饗唐堯契虞舜皋陶夏禹伯益成湯伊尹太戊伊

陟巨鹿武丁甘盤傳說文王師鬻熊武王召公成王周公唐叔

康王太公畢公始皇李斯蒙恬王翦漢高祖蕭何文帝周勃陳

平劉章宋昌景帝周亞夫漢嬰申屠嘉昆錯武帝公孫弘衛青

霍去病金日磾宣帝丙吉魏相霍光張安世光武鄧禹馮異馮異

弁賈復明帝東平王蒼桓策章帝年融趙熹宋安魏武帝鍾繇

荀攸程昱文帝賈翊王朗曹真辛毗晉武帝羊祜張華王濬杜

預後魏文帝王祥王肅長孫晟後周文帝宇文憲綽燕公子謹

盧辯隋高祖牛弘高熲賀若弼唐高祖李孝恭殷開山劉政會

河南王神通太宗長孫無忌房玄齡杜如晦魏徵高宗李勣馬

周睿宗劉幽求蘇瓌玄宗張說郭元振王珣代宗郭子儀肅宗

苗晉卿裴勉德宗李晟憲宗裴度李愬杜佑宣宗夏侯孜白敏

中馬植後梁太祖劉鄩郭敬翔葛從周袁象先後唐莊宗郭

崇翰李嗣昭符在審明宗霍彥威安重進後晉高祖桑維翰趙

瑩宋太祖趙普曹彬真宗李沆王旦曹瑋仁宗呂夷簡英宗曾

公亮韓琦神宗富弼指宗司馬光高宗呂頤浩趙鼎韓世忠張

浚孝宗陳泰伯

社稷

天子立三社祭法云王為群姓立社曰太社於庫門內之西立之王自為立社曰王社於籍田立之亡國之社

曰亳社廟門之外立之

諸侯立三社為百姓立社曰國社於

鼻門之西立之自為立社曰侯社亦於籍田中立之亳社立處

蓋與天子同注亳社殷社諸侯有之所以戒亡國

皆以勾龍

配之社者五土之神稷者於五土之中特指原隰之祇社壇在

東稷壇在西俱北而

天子之社則以五色土各依方色為壇

廣玉文諸侯則但用當方之色為壇皆立樹以表其處又別為

主以象其神

天子祭社稷皆大牢諸侯祭社稷皆少牢皆黝

色用黑幣日用甲注周初未制禮之時日猶用戊

天子太社

必受霜露風雨以達天地之氣故喪國之社屋之不受天陽也

二月八月及臘一歲三祠

孝經緯曰社土地之主也土地

闕不可盡敬故封土為社以報功也稷五穀之長也穀象不可

徧祭故立稷神以祭之

厲山氏之有天下也其子曰柱能殖

百穀夏之衰也周棄繼之故祀以為稷共工氏之霸九州也其

子曰后土能平九州故祀以為社

周書曰諸侯受命于周乃

建立大社于國中其壇東青土南赤土西白土北驪土中央燾

以黃土將這諸侯鑿取方一面之土首以白茅以土封之故曰

列土于周也 詩曰乃立冢土傳曰冢土大社也 周官曰小

宗伯掌建國之神位右社稷左宗廟太宗伯掌以血祭祭社稷

白虎通曰王者所以有社稷何為天下求福報功也社稷所

以有樹何尊而識之使人望見師敬之所以表功也 又曰王

者諸侯必有柴社者何示有存亡也明為善者得之惡者失之

淮南子曰夫窮鄉之社叩甕拊缶相和而歌自以為樂也常

試為之擊建鼓撞巨鐘乃始知夫甕缶之足羞也夫至道之論

亦學者之建鼓也蕪鄉之社易為黍肉蕪國之稷易為求福

論衡曰亡國之社屋其上棧其下絕於天地夫春秋薄社周以

為戒夫經藝書傳人當覽之猶社當通氣於天地也故人不通

為戒夫經藝書傳人當覽之猶社當通氣於天地也故人不通

覽者薄社之類薄也漢書曰社者土地宗廟王者所居稷者百

穀之主所以奉宗廟共粢盛人所食以生活也王者莫不尊重

親祭者為之主禮

陵寢 周禮冢人下大夫二人中士四人掌公墓之地辨其

兆域而為之圖先王之葬居中以昭穆為左右 漢

太常屬官有諸陵令 後漢每園令丞各一人令秩六百石

唐獻昭乾定禱五陵署為臺亦令為五品 宋陵臺令位六品

胡廣陵箴曰昔在皇葉奕野衣新禮非極襄不樹不封瓦棺聖

周虞夏彼增壞不毀庸奢不害生是謂皇極百皇此經

橋山劍墓

黃帝葬橋山空棺無尸唯劍鳥在 漢武帝曰巡朔

方還祭黃帝於橋山上曰吾聞黃帝不死有冢何也公孫卿對

曰黃帝已仙上天羣臣死其衣冠史記葬之野

有鳥如丹雀名曰憑霄自丹洲而來啣青沙珠積成壙阜名曰

珠丘虎丘 吳王闔閭葬虎丘山下發吳都之士十萬人共治

葬穿土為川積壤為丘地廣六十步水深一丈五尺銅棺三重

頤池六尺黃金珠玉為鳧鴈扁諸之劍魚腸之干在焉葬三日

金精上騰為白虎蹲踞于上曰名扁丘越絕霸陵 漢文帝治

霸陵皆以瓦器不得以金銀銅錫為之曰其山不起墳 帝行

至霸陵使慎夫人鼓瑟上有倚瑟而歌悽然悲懷顧謂群臣曰

嗟乎以北山石為槨用紵絮斷陳漆其間豈可動哉張釋之前

曰使其中有可欲雖錮南山猶有隙使其中無可欲雖無石槨

又何戚焉文帝稱善 文帝遺詔曰即中令張武為復土將軍

發近縣卒萬六千載槨穿復土屬將軍武注主穿墳填瘞事

茂陵書 武帝遺詔以雜道書三十卷致於棺中貯之金箱卷

後題東宮臣名年月河東太守張純以書進宣帝帝示左右時

有武帝典書中即丹登見書及箱流涕曰此先皇殯時物臣此

時着棺中曰何得出宣帝愴然驚愕內傳 **珠襦玉匣** 漢帝及

侯王送葬者皆珠襦玉匣形如鎧甲連以金鏤匣上皆鏤以蛟

龍鸞鳳龜麟之象時謂蛟龍玉匣西京雜記九竅加以黃金則死者

不朽要類盜發諸陵

赤眉賊帥樊崇陷長安發掘諸陵取其

寶貨凡所發有玉匣殮者皆如生故赤眉多行淫穢唯灞陵杜

陵完五代溫韜在梁為耀州節度唐諸陵在境內者悉發之取

所藏金寶而昭陵最固悉藏前世圖書鐘王紙墨筆迹如新莊

宗滅梁韜來朝郭崇韜曰此劫賊罪不可赦韜納賂劉后遽遣

還鎮明宗時賜死裁今流水

光武初作壽陵將作大匠竇融

上言園陵廣袤無所用帝曰古者帝王之葬皆陶人瓦器木車

茅馬使後代之人不知其處今所制不過二三項無為山陵陂

池裁令流水而已

明年遺詔無起寢廟園陵掃地露祭率天

下以儉仁壽卜葬

隋文帝仁壽二年皇后獨孤氏崩上令儀

同三司蕭吉為皇后擇葬地得吉處云卜年二十卜世二石上

曰吉凶由人不在於地高緯葬父豈不卜乎俄而國亡正如我

家墓田若云不吉朕不當為天子若云不凶我弟不當戰沒然

竟從吉言吉退告族人蕭平仲曰後四載太子御天下若太子

得政隋其亡乎吾前給之卜年二十者二十字也卜世二百者

取世二傳也汝識之貞觀後儉

唐太宗貞觀十一年詔躬身

後子孫習於流俗加四重之槨伐百祀之木崇厚墳陵今頒此

制務從儉約於九峻之山足容一棺而已木馬塗車由梓童齋

事合古典不為時用昭陵陪葬

唐昭陵在醴泉縣陪葬諸王

七公主二十一妃嬪八房玄齡等十三人以宰相陪唐儉等五

十三人以承郎三品陪尉遲恭等六十四人以功臣大將軍陪

紙斂瓦棺 五代周太祖屢戒晉王曰昔吾西征見唐十八陵

無不發掘多藏金寶故也我死當衣以紙斂以瓦棺勿作石羊

虎集食山祭 奉先之道無寒食野祭之禮近莊宗每年寒食

出祭謂之破散 劉知遠殺李從益王淑妃曰何不留吾兒使

每歲寒食以一盂麥飯洒明宗陵平五代古不祭墓始皇起寢

殿於墓側漢曰不改四時上飯漢官儀 **皇堂棟損** 仁宗永昭陵

窆且有日忽傳皇堂棟損時諸使皆欲不聞而掩之韓公琦正

色曰不可果損當易之若違壙期後所費此責猶可當若苟且

掩之後有壞而致人主疑心臣下何以當責 **擅移山陵** 入內

押班雷允恭擅移永定陵真宗 皇堂而丁謂託之朝廷命呂許公

與魯肅公乘傳按視盡得其迹及允恭等盜沒方中金寶以萬

計狀聞抵允恭罪而謂罷相 **吳公臺** 隋煬帝初築吳公臺下

在江都縣西北四里唐改葬雷塘在縣東北十里大業拾遺載

葵驪山起墳高五十丈下錮三泉周圍七百步以明月珠為日月人魚膏為燈燭水銀為大海金銀為危鶴五陵處五陵皆漢帝墓所後遷豪族居之故曰五陵豪五陵謂高帝葬長陵惠帝葬安陵景帝葬陽陵武帝葬茂陵昭帝葬平陵此五陵皆在北而文帝葬灞陵宣帝葬杜陵此二陵皆在南不在五陵之數

齊梁諸陵

皆在金牛山中丘埭西陵口有大石麒麟辟邪夾道唐陸魯望詩地殿金牛絕陵荒石獸稀

類苑叢寶卷之九

帝王門

帝王門

太上皇

太上極尊之稱皇君也天子之父故號曰皇不預治國不欲言帝也漢紀人之至親莫親於父母故父有

天下傳歸於子子有天下尊歸於父此人道之極也漢高尊親之至莫大乎以天下養為天子父尊之至也以天下養養之至也萬章強我懿號不若使我有道之君加我虛尊不若處我於無過之地禮記

請上尊號

漢高祖詔曰朕被堅執銳帥士卒平暴亂立諸侯偃兵息民天下大安此皆太公之教訓也朕為皇帝而大公未

有號令上尊太公曰太上皇上五日一朝太公太公家令曰皇帝雖子人主也太公雖父人臣也奈何人主拜人臣如此則威重不行後俟上朝太公擁篲迎門卻行上大驚下扶太公太公曰帝人主奈何以我亂天下法帝心善家令言置酒諍力准南王李朝未央宮置酒前殿上奉玉卮為太上皇壽曰始大人常以臣亡賴不能治產業不如仲力今某之業所就孰與仲多殿上群臣皆稱萬歲大笑為樂道暹晚歲唐高祖謂裴寂曰公為宗臣我為太上皇道暹晚歲不亦善乎置酒歸德太宗從上皇置酒故漢未央宮上命突厥頡利可汗起舞曰胡越一家自古未有帝奉觴上壽曰今四夷入臣皆陛下教誨上皇大

悅付託得人

太宗朝突厥可汗至長安上御順天樓盛陳文物引見上皇聞擒頡利嘆曰吾付託得人復何憂哉置酒凌烟閣公卿迭起為壽諫幸九成

太宗詔幸九成宮馬周上諫曰太上春秋高今所幸宮去京三百里萬一太上皇思慮欲見陛下何以逮之今茲本為避暑行太上留熱處而陛下走涼處溫

清之道臣所未安遷居西內元宗次蜀郡皇太子即位於靈武明年還蜀居興慶

內即南後皇后張氏稍與政事多以私謁撓

推遷太上皇居西內降詔內禪紹興三十二年六月丙子

高宗降詔內禪上即皇帝位太上皇多御德壽宮皇帝攀戀垂泣步出祥曦殿門冒雨扶駕至宮門弗肯止太上麾謝再

三命左右扶掖以還 **世內禪** 淳熙十六年正月辛亥上宣

諭周必大等曰朕年來稍覺倦勤欲旬日間禪位于皇太子退

就休養以畢高宗三年之制三月壬戌詔皇太子即位朕移御

重華宮

為天下之母育天下之君 帝祖母稱長樂宮帝

皇太后

母稱長信宮 漢官儀

舍館美孫

後漢明德馬皇后云吾為天下母而身服大練食

不求甘欲率下也但吾當舍館美孫不能復開政 **斥去靡麗**

和熹鄧太后詔有司減大官導官尚方省內服御珍膳靡麗難

成之功 **始謚母后**

漢世母后無謚至於明帝始建光烈之稱

蔡邕

不許臨朝

魏文帝著令不許母后聽政 宋高祖遺詔

曰後世若有幼生朝事一委宰相母后不煩臨朝 **章獻**

明肅太后聽斷儀式久而未定丁謂欲每議大政則皇太后坐

後殿朝執政朔望則皇帝坐前殿朝群臣王沂公曾時判禮儀

院乃采東漢故事皇帝在左母后在右同殿垂簾人心乃定

筆談

諫服衣冠

明肅太后從謁太祖倭者密請曰陛下垂簾

尊稱豈當以后服見祖宗耶遂下詔服衣冠見諫疏交上薛簡肅

公不交其談簾外口奏曰陛下大謁之日還作漢兒拜耶女兒

拜耶明肅無答是夕報罷 **改天子** 明肅太后遺詔尊

楊太妃為太后與皇帝同議軍國事蔡文忠公乃白宰相曰上

奉先太后十餘年今始親政宣宜以女后相繼耶上聞遂命刪
去同議政語朝廷服其亮魏朝章獻崩章惠欲踵之臨朝龐籍
為殿中侍御史奏燔垂簾儀制仁宗始專萬機撤簾殿座英
宗即位以憂得疾大臣議請光獻太后垂簾聽政英宗已安韓
魏公琦諷后請還政後數日批出云某日更不御殿魏公亟令
捲簾座垂簾儀制曹后稱制日韓琦欲還政天子而御寶在
太后閣皇帝行幸即隨駕琦因請具素狀祈雨比乘輿還御寶
更不入太后閣即於簾前具述皇帝聖德且言天下事久煩聖
慮太后怒曰教做也由相公不教做也由相公琦獨立簾外不
去及得一言有允意即再拜遂促儀鸞司撤簾女中堯舜宣

仁高太后垂簾聽政保祐哲宗起司馬光為相臨朝九年稱為
女中堯舜不御正牙哲宗崩徽宗即位皇太后詔曰祥禫既
終典策告具有司遵用明肅太后故事子當受冊于文德殿顧
予涼薄實有虧德將來受冊可止就崇政殿諭執政曰母后臨
朝非國家盛事文德殿天子正牙豈女主所當御乎抱帝臨軒
晉康帝崩穆帝即位時年二歲皇太后設白紗幃于太極殿抱
帝臨軒檢勅宸容殤帝元年鄧太后詔曰每覽前代外戚賓
容為民患害咎在執法必憚不輒行罰故也其明加校勅勿相
容護自是親屬犯罪無所假貸安帝時太后嘗徵鄧氏近親
子孫三十餘人教以經書詔後兄豹康等曰貴戚温衣美食面

不錄兄勞

馬太后自撰明

墻學術不識臧否禍敗所從來也

後垂興行

宋天聖間帝與太后同幸慈孝寺太后欲以大安

勞毋乃過乎太后曰吾不欲令後世聞先帝數親後宮之家也

釐前帝行曾宗道曰婦人有三從在家從父既嫁從夫夫歿從

子于是太后命釐後垂興行

一年三司使程琳獻武后臨朝圖后擲于地曰吾不作此負祖

宗事

後漢后妃紀

自古雖主幼時艱王家多變必委成家宰簡求

忠賢未有專任婦人斷割重器唯秦竈太后始攝政事漢仍

謬知患莫改東京皇統屢絕權歸女主外立者四帝臨朝者六

后莫不定策帷帟季事父兄貧孩童以久其政抑明賢以專其

威身犯霧露於雲臺之上家嬰累紕於園杆之下湮滅連踵傾

輶繼路

皇后

天子之配謂之后后者君也

白虎通

按夏殷以前后妃之

稱皇帝正嫡曰皇后漢因之初學記聽天下之內治以明章婦道

故天下內和而家理婦順不修陰事不得謫見於天月為之食

則后素服而修六宮之職蕩天下之陰事禮記內宰治王內之

政令以陰禮教六宮以陰禮教九嬪以婦職之法教九御周禮

閔睢后妃之德也風之始也所以風天下而正夫婦也周南召南正始之道王化之基是以閔睢樂得淑女以配君子憂在進賢不淫其色哀窈窕思賢才而無傷善之心焉是閔睢之義也大序躬儉節用服澣濯之衣葛覃又當輔佐君子求賢審官知臣下之勤勞內有進賢之志而無險陂私謁之心朝夕思念至千憂勤也卷耳言若螽斯不妬忌則子孫衆多也螽斯和平則婦人樂有子矣卷耳靜女其妾貽我彤管彤管有煒說擇女義注古者后夫人必有史彤管之法史不記過其罪殺之后妃群妾以禮御於君所女史書其日月授之以環以進退之生子月辰則以金環退之當御者以銀環進之著于左手既御著于右

手事無大小記以成法詩故陳賢妃正女夙夜警戒相成之道焉鷄鳴皇后稱椒房取其實著也盈升以椒塗室取溫暖除惡氣也猶天子朱泥殿上曰丹墀漢官天子親耕以共粢盛王后親蚕以共祭服穀梁男正位乎外女正位乎內一正家而天下定矣家人壺政穆宣宣房昭理坤則順成羣軒潤飾泮儀禮有房中樂后夫人諷誦以事君子星軒軒轅星也宋后有司奏立長秋宮馬后以皇后為長秋者秋陰之始取其長而欲其久也宋百官志漢魏故事皇后六駝馬初學

晏起待罪周宣王夜卧而晏起姜后既出乃脫簪珥待罪曰妾之淫心見矣至使君王失禮而晏起亂之興從婢子起敢請

罪王曰寡人不德寔自生過非夫人之罪也勤於政事卒成中興之名目語**四殆課王** 鍾離春者齊無鹽邑之女也為人極醜自詣宣王願乞一見宣王召見之乃舉手拊膝曰殆哉殆哉

宣王曰願聞命對曰今西有橫秦之患南有強楚之讐春秋四十壯勇不立一殆也漸臺五層萬民疲困二殆也賢者伏匿山林諂諛強於左右三殆也酒漿流湏以夜繼日女樂俳優縱橫大笑四殆也宣王喟然而嘆拜無鹽女以為王后列女傳**諫用諛**

佞 齊威王即位其佞臣周破胡專權擅勢嫉賢妬能虞姬謂王曰破胡諛佞不可不退王乃封即墨大夫烹阿大夫與周破

胡齊國大治同

夢龍貴徵

漢虜魏王豹薄姬輸織室漢王詔

納後宮歲餘召幸之對曰昨夢龍擾妾會上曰是貴徵也吾為汝成之遂幸生文帝**拳手即神** 鈞弋夫人趙婕妤家在河間

武帝巡狩過之望氣者言此有奇女天子亟使使召至女兩手皆拳上有披之手即時伸由此得幸號拳天人居鈞弋宮遂生

昭帝非天吉兆

和熹鄧后禹之孫嘗夢捫天蕩蕩正青若有

鍾乳狀乃仰漱飲之以訊諸占夢言堯夢攀天而上湯夢及天而喏之斯皆聖主之別占吉不可言**沙麓之祥** 春秋沙麓崩

注陰盛而崩元城建公曰沙麓崩六百四十五年宜有聖女興漢王賀字翁孺正值其地日月當之賀生禁禁生元后元后母李妊政君夢月八懷政君元后小字也元后母天下自元成象

平四帝至王莽揚雄作表太陰之精以麓之靈作合於漢配元
生成傳后金屋貯婦 武帝為膠東王年數歲長公主抱問曰

兒欲得婦不阿嬌好不笑曰若得阿嬌當作金屋貯之漢武故

詔求故劍 漢宣帝養於掖庭時許廣漢有女平君其母言曾

孫可妻廣漢遂與曾孫一歲生元帝數月曾孫立為帝平君為

婕妤是時公卿議更立皇后上乃詔求微時故劍大臣知旨因

立許為后陷賊不獲 代宗睿貞皇后沈氏吳興人安史之亂

陷賊不知所在代宗即位求之不獲德宗元年乃遙尊帝母沈

氏為皇太后贈皇曾祖祖父一日封拜百二十人其詔制以厖

馬負載賜其家賜樂府 宋仁宗廢后郭氏居瑤華宮帝頗念

之賜以樂府后和峯之辭甚悽愀帝益悔焉內侍閻文應以書

諸后慎其復立屬后小疾帝遣文應挾醫診視數月后暴崩中

外疑文應范仲淹劾其罪寬之稍南死干道天聖 西京雜記

竇太后在家嘗有白燕啣石大如指墮后續龍中后取石剖為

二中有文曰母天下后乃合之遂不復開後為皇后常置重

積中號曰天璽龍圖 宋理宗皇后謝氏天台人丞相深

甫之孫也生而驚異翳一目父渠伯早世產業破壞后躬汲缸

帝即位議擇中宮楊太后以深甫有援已功命選謝氏女兄弟

欲納八宮諸父擇伯不可會元夕縣有鵲巢燈山巖以為后

妃之祥乃共送后就道后旋病瘳良已膚皴瑩白如玉翳又藥

去遜與賈淑女同入宮賈女有殊色帝欲立之太后曰謝女端
重有福宜正中宮左右亦相竊語曰不立真皇后乃立假皇后
耶帝不能奪書屏中雀唐高祖后竇氏父教嘗曰此女有奇
相何可妄與人因畫二孔雀于屏間請婚者使射二矢陰約中
目則許之高祖最後射中各一目遂歸于帝娶陰麗華漢光
武陰皇后南陽人名麗華初光武聞后羨心悅之後至長安見
執金吾車騎甚盛因嘆曰仕宦當作執金吾取妻當得陰麗華
即位立為后本紀**相得其人**晉簡文帝無子令善相者以諸
愛妾示之皆云非其人時李后為宮人在織坊中形長而色黑
皆謂之崑崙既至相者驚曰此其人也帝召之侍寢后數夢兩

龍枕膝日月入懷帝聞而異焉遂生孝武帝一夜生國晉成
帝杜皇后預之曾孫成帝拜為皇后少有姿色長猶無齒有求
婚者輒中止及帝納采之日一夜齒盡生賢女必學甄后九
歲喜書視字輒識數用諸兄筆硯兄謂后言汝當習女工用書
為學作博士耶后言古賢女未有不學前世成敗以為已誠不
知書何由見之甄后幼時每寢深家中髮鬋見如有人持玉
衣覆其上者常共恠之魏志**若書聖賢**唐太宗長孫皇后少
好讀書上嘗與之議賞罰后辭曰妾婦人安敢豫聞政后嘗著
女則三十卷及崩上覽之悲慟以示羣臣曰皇后此書足以垂
範百世朕非不知天命而為此無益之悲但入宮不復聞規諫

之言失一良佐故不能忘懷耳私謂撓權 肅宗后張氏與李
輔國相助多以私謁撓權帝不制遷太上皇居西內皆張皇后
謀也寶應元年張后惡李輔國圖之程元振得其謀以告輔國
乃幽后於別殿是夕肅宗崩相恩賞 章獻明肅太后成都
人少隨父下峽至玉泉寺有長老善相人謂其父曰君貴人也
及見后大驚曰君之貴以此女也蓋進京師乎贈以金百兩至
京師真宗判南京因張者納后宮中帝即位正位宮闈肅宗禁
庭 仁宗皇后曹氏侍女生事當誅帝欲赦之后固請誅之帝
曰痛杖之足以懲矣后不可曰如此無以肅清禁庭帝命后坐
后立幾辰帝乃許之

宮嬪

六宮鄭注前一宮後一宮也王者后一宮三夫人一
宮九嬪一宮三十七世婦一宮八十一御妻一宮凡
百三十人周禮以陰禮教六宮以陰禮教九嬪以婦職之法教
九御內宰漢因秦制正嫡曰皇后其餘內職者有婦人妾人良
人八子七子長使少使之號武帝加婕妤姪娥容華充衣元帝
加昭儀又有五宮順常無消共和媿靈寶林良使夜者之小職
漢外戚傳 光武中興並省前制正嫡之外唯立貴人綵女之號後漢書
能諫好獵 楚莊王夫人樊姬王好獵姬數諫不止乃不食禽
獸之肉二年王感之而勤政事列女 **不安冷車** 齊孝公孟姬
華氏之女從孝公遊車奔姬墮車碎孝公使駟馬立車載姬姬

泣曰妾聞妃下堂必從傳母保阿進退則鳴玉佩環今立車無
駟非敢受命列女 **諫以死諫** 越姬楚昭王之姬越王勾踐女
也昭王燕遊越姬從謂姬曰樂乎對曰樂則樂矣而不可久也
王曰願與子生死若此姬曰君之樂遊要妾以死不敢聞命後
王病有赤雲夾日如飛鳥王問周太史太史曰是害王身請移
於將相王曰將相於孤猶股肱也不聽姬曰大哉君之德妾請
從王死矣妾聞信者不負其心遂自殺列女 **釣棄前魚** 魏王
與龍陽君共船而釣得十餘魚而棄之泣下曰臣始得魚甚喜
後得益多而大欲棄前所得也今臣得拂枕席爵至人君四海
之內羨人甚多聞臣得幸畢褰裳而趨臣亦同所得魚將棄矣

得無涕乎王乃令曰敢言羨人者族 **掩鼻進諫** 魏王遺楚羨
人王悅之夫人鄭哀知王悅之也愛之甚於王王曰婦人所以
事夫者色也而妬者其情也令鄭哀知寡人之所悅其愛甚於
寡人此孝子所以事親忠臣所以事君也鄭哀既知王以為不
妬因謂羨人曰王愛子甚矣然惡子之鼻子見王必掩其鼻羨
人從之王謂鄭哀曰羨人見寡人必掩其鼻何也對曰似惡聞
王之臭王曰悍哉令刺之 **臨終回籠** 漢武帝李夫人本以倡
進兄延年生知音善歌舞每為新聲延年侍上起舞歌曰北方
有佳人絕世而獨立一顧傾人城再顧傾人國寧不知傾城國
佳人不再得帝太息曰善哉豈有此人乎平陽主因言延年有

女弟上乃召見之實如麗善舞由是幸生一男是為昌邑哀王
初夫人病篤上臨候之夫人謝不可見願以王及兄弟為託姊
妹讓之夫人曰我以容貌得幸今見我毀壞必畏惡棄我尚肯
追思閔錄其兄弟哉夫人卒上憐憫之畫其形於甘泉宮上念
李夫人不已方士齊人以翁言能致其神乃夜張燈燭設帷幄
陳酒肉而令上居他帳遙望見好女如李夫人之貌還帳坐而
步又不得就視上愈益相思悲感為作詩曰是耶非耶立而望
之何姍姍其來遲令樂府諸音家絃歌之畫王昭君 王嬙字
昭君王穰女漢元帝時匈奴入朝詔以昭君配之號寧胡閼氏
一說元帝後宮人既多不得常見乃使畫工圖其形按圖召幸

宮人皆賂畫工多者十萬金少者不減五萬金昭君自恃其貌
獨不與及匈奴入朝選宮人配之昭君以圖當行入辭光彩射
人竦動左右天子重信外國悔恨不及窮業其事有畫工曰毛
延壽為人形老少必得其真安陵陳敞新豐劉白龔寬並工狗
馬眾勢人形不逮延壽杜陵楊聖嬰青尤工布色皆同日棄市
籍其資財漢人怜昭君遠嫁為作歌詩後昭君服毒死舉國葬
之胡中胡地白草而此草獨青故曰青塚温宗衡 馮萬金善
歌世事江都王王孫女嫁江都中尉趙曼萬金又事曼因與主
道曼有疾不能近婦人主有身恐乃稱疾居主宮一產二女婦
之萬金長曰宜主次曰合德遂冒姓趙氏宜主謂之飛燕合德

善歌知音皆絕色也帝召入宮合德為卷髮號新興髻為薄眉
號遠山黛施小朱號慵來粧左右嘖嘖嗟賞帝謂合德為溫柔
鄉曰吾老是鄉矣不能効武帝求白雲鄉也宣帝時拔香博士
倬方成白髮教授宮中號倬夫人在帝後嚙曰此禍水也滅火
必矣帝欲立飛燕為皇后諫大夫劉輔上言里語曰腐木不可
以為柱人婢不可以為主書奏收繫獄後論為鬼薪成帝步太
液池起瀛洲榭后歌歸風送遠之曲以文屏著擊玉甌酒酣風
起后揚袖曰仙乎仙乎去故而新帝令左右持其裾久之風止
裾為之皺后曰帝恩我使仙去不得他日宮妹或裝裾而皺號
留仙裾外傳

罷同輦

成帝時班婕妤選入後宮成帝遊後庭

嘗欲與婕妤同輦載婕妤辭曰觀古畫圖賢聖之君皆有名臣
在側三代昏主乃有嬖妾今欲同輦得無近似乎上善其言而
止後漢書晉武后貴嬪名芳鎮軍胡奮女也帝多簡良家
子以充內職自擇羨者以絳紗繫臂芳既入選下殿號泣左右
止之曰陛下聞聲芳曰死且不畏何畏陛下帝每有顧問不飾
言辭率爾而答進退方雅始有專房之寵帝嘗與擣蒲爭矢遂
傷上指帝怒曰此固將種也芳曰北伐公孫西距諸葛非將種
而何帝慙羊車晉武帝平吳之後復納孫皓宮人數千自此
掖庭殆將萬人而並寵者甚衆莫知其所適當乘羊車恣其所
之至便宴寢宮人乃取竹葉挿戶以蓋汁洒地而引帝車女尚

書 魏明帝耽于內寵，婦官秩名擬百官之數，自貴人以下至掖庭洒掃者凡數千人。選女子知書可付信者六人，以為女尚書。使典外奏事，處當畫可。**最寵四人**

魏文帝宮人有最所寵者曰莫瓊、樹薛、夜來、請世。夜來請世，衣收巧笑，四人月夕在側。瓊樹乃製蟬鬢，繚緜如蟬翼，巧笑如妬，錦絲作紫粉，拂面尚衣，能歌舞。夜來善為衣裳，一時冠絕。古今**聞鍾早**

齊武帝以內深隱，不聞端門鼓漏聲，置鍾于景陽樓上，應五鼓及三鼓，宮人間鍾聲早起，敕飾**半面妝**

南史徐妃以元帝眦一目，每知帝將至，必為半面妝。**女作** 楊貴妃寵幸時，謠曰：男不封侯女作妃，若看女却作門楣。外傳明皇幸溫泉，楊妃諸姊妹皆嘗後幸墜

髮，若看女却作門楣。外傳明皇幸溫泉，楊妃諸姊妹皆嘗後幸墜

髮，若看女却作門楣。外傳明皇幸溫泉，楊妃諸姊妹皆嘗後幸墜

鈿璫珥簪籍道旁賦詩有體 魏泰之曰：唐人詠馬嵬之事，尚矣。世所稱者，劉白、劉禹錫云：官軍誅佞幸，天子捨妖姬。白樂天詩曰：六軍不發無柰何，宛轉蛾眉馬前死。此乃歌祿山而明皇不得已，誅貴妃也。豈特不曉文辭，蓋亦失事君之體。老杜則北征詩曰：憶昔狼狽初事與，古先別姦臣竟道。臨同惡，隨蕩折不聞。夏殷衰中，自誅褒姒，乃明皇鑑夏商之時，畏天悔禍，賜妃于死。官軍何預焉？坡云：杜北征詩識君臣之大體，忠義之氣與秋

色爭高可貴也。**不** 費氏蜀之青城山人，以才色入蜀後宮，主嬖之。號花藥夫人。劾王建作宮詞百首，國亡入備後宮。太祖聞之，召使陳詩，誦其國亡詩云：君王城上豎降旗，妾在深

宮

宮

宮

宮

宮那得知十四萬人齊解甲寧無一箇是男兒蓋蜀兵十四萬而王師總數萬耳 當能 門 見熊 圖其容貌 拾遺記吳主潘夫
人之父坐法夫人輸入織室容態以儔同幽者百餘人謂夫人
神女有司聞於吳主使圖其容貌夫人憂感不食減瘦其形工
人寫其真狀以進吳主見圖而嘉之遂納之 獻理齊王 韓子
薛公相齊齊威王夫人死中有十孺子皆貴子王薛公於是為
十玉珥而羨其一獻之以賦十孺子明日坐視羨珥之所在而
勸王以為夫人 楚王后死未立后也或謂昭魚曰公何不請
立后昭魚因買五雙珥令其一善而獻之王明月視善珥所在
請立之

太子

古今源流五帝官天下所謂天與賢則與賢也三王
家天下所謂天與子則與子也 白虎通立太子者
所以防篡殺壓臣子之亂也君愛適夫人無子有遺腹必待其
產而立之何尊適重正也立子以貴不以長者塞愛憎也公羊
傳曰立嫡以長不以賢立子以貴不以長也 晉天文志心三

星天王正位也中星曰明堂天子位也其前星為太子後星為
庶子 正體毓德於中陽 韜 春秋之義立嫡以長 崔瑛 五帝
官天下三王家天下家以傳子官以傳賢故自唐虞以上經傳
無太子夏殷之王雖則傳嗣其文畧矣至周始見文王世子之
制 韓詩 主鬯春官 韜 集 貳體宸極守器宗祧 阮約 劉禹錫箋

岳仰搖山之高百川承少海之潤按山海經西海之外有搖山
其上有人名曰太子長琴顓頊生老童童生祝融融生長琴
作搖山之樂又無皐之山南望幻海幻海即少海也天子比大
海太子比少海

問安侍膳

文王為世子朝於王季日三鷄初鳴而衣服至於
寢門之外問內侍曰今日安否何如內侍曰安文王乃喜其有
不安節則內侍以告文王文王色憂行不能正履王季復膳然
後亦復初武王帥而行之不敢有加焉文王有疾武王不脫冠
帶而養文王一飯亦一飯文王再飯亦再飯禮記
成王始為太子也太公為師周公為傅召公為保伯禽唐叔與

游目不悅淫艷耳不聞優笑居不近庸邪及為君也血氣既定

游習既成雖有放心不能奪已成之性元稹鶴駕周靈王太

子晉七月七日乘白鶴駐山巔謝時人而去後世稱太子之駕

曰鶴駕禁曰鶴禁列仙傳當壁者立楚共王無冢適有寵子五

人無適立焉乃有大事于群望而祈曰請神擇於五人者曰當

壁而拜埋壁於大室之庭再拜皆壓紐者神所立也既乃與巴

姬密使五人齋而長八拜康王跨之靈王肘加焉子干子晳皆

遠之平王弱抱而入再拜皆壓紐闔韋龜屬成然焉且曰棄禮

違命楚其危哉左撫軍監國晉侯使太子申生伐東山臯落

氏里克諫曰太子奉冢祀社稷之粢盛以朝夕視君膳者也故

曰冢子有行則守有守則從後曰撫軍守曰監國古之制也夫帥師專行謀誓軍旅君與國政之所圖也師在制命而已左

亂所關

晉獻公以驪姬故廢太子立奚齊晉亂者數十年秦

以不早定扶蘇胡亥立自使滅祀

叔孫通傳

不當將兵

黥布反上

疾欲使太子往擊之良謂建成侯呂澤曰太子將兵有功位不

益無功則從此受禍且諸將皆與上定天下集將也今使太子

將之無異使羊將狼皆不肯為用無功必矣**早建太子**文帝

元年有司請早建太子所以尊宗廟也詔曰今縱不能博求天

下賢聖而禪天下而曰豫定太子是重吾不德也有司固請曰

子啓最長請建以為太子**受詔立幼**

武帝時寵姬趙婕妤好有

男上心欲為嗣命大臣輔之察羣臣唯霍光可屬社稷上迺使

黃門畫者畫周公輔成王朝諸侯以賜光**亂我家**宣帝徵時

生元帝八歲立為太子壯大仁柔好儒見宣帝以刑名繩下乘

間諫之帝曰亂我家者太子也**不絕馳道**成帝為太子初居

桂宮上嘗急召太子出龍樓門不敢絕馳道西至直城門得絕

乃度還入作室門上逢之問其故以狀對上大悅乃著令云太

子得絕馳道**作歌四章**漢明帝為太子樂人為歌四章以贊

太子之德一曰月重光二曰月重輪三曰星重暉四曰海重潤

古今注

坐氈着針

晉隱懷太子傅舍人杜錫每以忠規勸太子

太子怒使人以針着錫所坐氈中而刺之**取當擇賢**晉武帝

娶楊后生惠帝初為太子謀昏 不決上欲娶衛瓘女楊后欲
娶賈克女克妻郭酷妬夙著上曰衛公女可賈公女不可衛家
女賢而多子端正而長賈家女種妬而少子醜惡而黑短郭氏
使輸物楊后遂納賈妃後亂晉國史宋去邪高刑時為博士
授太子經厨人進食有菜曰邪蒿時命去之曰此菜有不正之
名非殿下所食史北雙陸不勝 唐武后欲以武三思為太子以
問宰相狄仁傑曰臣觀天下未厭唐德云云今欲繼統非廬陵
不可后怒罷議久之召謂曰朕夢雙陸不勝何也對曰雙陸不
勝無子也天其以儆陛下乎后感悟即日遣徐彥伯迎王於房

州傳八官備選

紹興壬子詔知大宗正事安定郡王令時訪

宋宗室伯字蹄七歲以下者十人八官備選十人中又擇二人
焉一肥一癯迺留肥而遣癯賜銀三百兩以射言之未出思陵忽
云更子細觀迺令二人又手並立忽一猫走前肥者以足蹴之
上曰猫偶然而過何為遽踢之輕易如此安能任重耶遂留癯
而遣肥者癯乃阜陵肥者名伯浩後終於温州都監揮塵錄進孔
光傳 仁宗朝宰相韓琦等勸上早立嗣一日琦取孔光傳懷
之以進曰漢成帝立弟之子定陶王為太子成帝中才之主猶
能之以陛下之聖何難哉司馬光又面奏曰唐自文宗以後立
嗣皆出於左右之意至有稱定策國老門生天子者此禍可勝
言哉上大感悟 師曠見太子晉曰吾聞太子之語高於泰山

願聞一言太子曰吾聞太師之來喜而又惧汝知人年長短吉凶也師曠曰君色赤君聲清火色不壽太子曰然却後三年吾上賓于帝汝慎無言殃將及汝太子時年十五後三年而卒春秋

鮑不登俎

文王使太公望傳太子說嗜鮑魚公不與曰鮑

魚不登俎豈有非禮而可養太子哉

賈誼書

匿召公家

厲王出

奔彘太子靖匿召公之家國人聞乃圍之召公以其子代太子太子得脫召周公二相行政號曰共和十四年厲王死太子

靖立是為宣王也史記

皇子

子孫千億穆穆皇皇宜君宜王假樂王孫公子不錢自雕非鸞則鳳分枝若木疏沁天潢

鍾愛少子

漢梁孝主太后少子愛之得賜天子旌旗後千乘

萬騎出稱警人言蹕擬於天子府庫金錢且至鉅萬珠玉寶器

多於京師

請封皇子光武建武十五年具漢上書請封皇子

詔羣臣議奏曰今皇子賴天能勝衣趨拜宜定位號以廣藩輔

制曰可

養成德器 唐太宗時皇子雖幼皆外任都督刺史褚

遂良諫曰今州縣率倣秦法而皇子孺年並任刺史陛下誠以

至親扞四方臣謂皇子未冠者可且留京師教以經學養成德

器審堪臨州然後遣

分朋角勝

唐高宗御翔鸞閣觀大脯分

音樂為東西朋使雍王賢主東朋周王顯主西朋角勝為樂郝

處俊諫曰二主尚少當推梨讓棗相親如一冷分二朋遠相夸

視非所以勸敦睦也上遽止之五人檢束 充王官翊善姚坦

好直諫王每有過失坦必規正官中皆不喜左右乃教王稱疾

不朝太宗日使視之逾月不瘳上甚憂召王乳母問王疾增損

乳母曰本無疾徒以翊善姚坦檢束王不得自便王不樂故成

疾耳上怒曰吾選善士輔佐王為善事今王不能用規諫而詐

疾欲使朕逐去正人以自便何可得也王年少未知出此此必

爾輩為之謀耳因命梓至後園杖之數十召坦慰諭之聖政中

丞彈奏

許王宋太宗子也為中丞彈奏許王奏曰臣為天子

兒今犯中丞而被推上曰朝廷之制孰敢違之朕有過羣臣當

糾摘汝為開封尹豈可不舉劾卒罰之

親王

天子太社以五色土為壇漢制皇太子封為王者受

天子太社之土以所封之方色東方受青土他如其

方色藉以白茅授之歸國以立社故謂之茅土獨斷漢興立爵

二等大者王小者侯而王之號謂為諸侯王後漢建武初朱祐

議以為土無二王臣爵皆不過公於是悉封郡公七十年又依

舊稱王晉又封國宋齊以後皆封郡隋復封國公初學周文之

嗣分茅土者十五國漢景之代書簡冊者十三王 剪桐貽緒

訓梓垂芳 受茲赤社建爾國家 親猶凡將位比燕荆並冊王制

武王乃昭德于二姓之邦分寶王子伯叔之國時庸展親書以

朕膺之禮親兄弟之國周王兼制天下立七十國姬姓獨居五

十三人焉苟昔周公封建親戚以蕃屏周不廢懿親也 成王
削桐封弟 漢高帝王子弟犬牙相制所謂盤石之宗 本紀

預知反相

漢高祖立兄子漢為吳王曰若狀有反相天下同

姓一家慎無反

設醴敬賓

楚元王敬禮申公等穆生不嗜酒

元王每置酒常為穆生設醴及王戊即位常設後忘設焉穆生

退曰醴酒不設王之意怠遂謝病去

舞袖小舉

景帝二年諸

王來朝有詔更前稱壽長沙定王張袖小舉左右笑其拙上怪

問之對曰臣國小地狹不足回旋帝乃以武陵零陵桂陽益焉

當別親疎

唐武德間務廣宗支從昆弟子自勝衣以上皆爵

郡王太宗即位舉屬藉問大臣曰盡王宗子於天下可乎封德

彛曰漢所封惟帝子若親兄弟其屬遠非大功不王所以別親

疎也先帝封之爵命崇而力役多以天下為私奉非所以示至

公於是疏屬王者皆降為公唯嘗有功者不降 **招致方術** 淮

南王安好書招致賓客方術之士數千人作為內書二十一篇

外書甚眾又有中篇八卷言神仙黃白之術亦二十餘萬言 **樂**

獻雅樂

河間獻王德修學好古被服儒術山東諸儒多從之

武帝時來獻雅樂召見甘泉宮謂之千里駒以宗正與之贊曰

夫惟大雅不羣 **為晉景樂** 東平王蒼自以至親輔政聲

望日重意不安前後上疏稱自漢興以來宗室子弟無得在公

卿位者乞上驃騎將軍印綬退就藩國辭息切至是明帝乃許

還國而不聽上將軍印綬後來朝上問處家何以為樂對曰為善最樂月餘還國上送列侯印十九枚諸王子年五歲已上能趨拜者皆令帶之眉之上坐孝惠二年齊悼惠王來朝宴飲太后前帝以王為兄置之上坐如家人禮太后怒酌醪酒賜之帝欲取飲太后恐自起之之止食數縣永平中封皇子恭等六人為王帝親定其封域裁令半楚淮陽馬后曰諸子止食數縣于制不已儉乎帝曰我子豈宜與先帝子等歲給二千萬足矣北海景真北海王陸少好學光武明帝皆愛之嘗遣中大夫詣京師朝賀召謂之曰朝廷設問寡人大夫將何以對使者曰大王忠孝慈仁敬賢樂士臣敢不以實對睦曰子危我哉大

夫具以孤龔爵以來志意衰隋聲色是娛犬馬是好乃為相愛

耳其智慮長慎如此

好治宮室

西京雜記梁孝王好營宮室

苑囿之樂在曜華宮等兔園園中有百靈山有膚寸石落掖巖栖龍崗又有鴈池池間有鶴洲鳧渚其諸宮觀相連延亘數十里奇果異樹珍禽恠歎畢有王曰與宮人賓客弋釣其中日華

官

河間王等日華宮置客館二十餘區以待學士自奉養不

踰賓客七步成詩

曹植十歲善屬文文帝即位封東阿王以

其有才忌之令七步成詩不成將行大法植遂應聲曰煮豆燃豆箕豆在釜中泣本是同根生相煎何太急帝大有慙色侍宴

諷主

齊武陵王曄多才藝而無寵嘗侍宴醉伏地貂抄肉拌

帝笑曰肉汚貂對曰陛下愛羽毛而踈骨肉齊主不悅**立王宅**
開元十五年作十王宅百孫院每王院宮人四百餘百孫院六
三四十人禁中置維城庫以給諸王月俸宣宗大中間又作五
王院**五王帳**玄宗置五王帳為長枕大被與兄弟同枕飲食
起居相與同之五王謂宋玉成器申玉成義上兄也岐王範薛
王業上弟也涵王守禮上從兄也後成器改名憲宋王改為寧
王**八大王**宋太宗第八子荆王儼廣穎豐順嚴毅不可犯名
聞外夷呼為八大王遼人入使必問王安否莊敬臨朝自以屬
尊望重恐為太后所忌深自沈晦**霍王無長**霍王元軌高祖
子也太宗嘗問群臣曰朕子弟孰賢魏徵對曰臣愚闇不盡知

其能唯吳王數與臣言未嘗不自失上曰卿以為前代誰比徵
曰經學文雅亦漢之間平也後在徐州唯與處士劉玄平為布
衣交人或問玄平王之長玄平答曰無長問者泣而復問之玄
平曰夫人有短所以見其長至於霍王無所不備吾何以稱之
哉

公主

漢制天子以列侯尚公主諸王以國人承翁主注云
尚承皆卑下之名也公主別立舍第令列侯就第奉
事之故曰尚諸王女則令國人來承事之故曰承皆不得謁見
舅姑通問而已天子尊令諸侯同姓者代主婚故曰公主諸王
卑自主之故曰翁主又公主曰天姬亦曰寵主

為子贖罪

漢書林慮公主子昭平犯死罪林慮因病以金千斤錢千萬為昭平贖罪帝許之公主卒昭平日驕醉殺主傳母廷尉上奏帝曰吾姊老有此一子死以屬我為之垂涕良久曰法令先帝所造因姊故而誣先帝之法吾何面目入高廟乎遂可廷尉之奏與僧爭碾唐李元紘為雍州司戶時太平公主勢震天下嘗與寺僧爭碾磴元紘斷還寺僧刺史竇從一趣令改之元紘大署判曰南山可移判不可改從一不能奪 公主則天所生衣紫袍玉帶歌舞帝前帝及后大笑曰兒不為武官何故爾主曰以賜駙馬可乎帝識其意擇薛紹尚之時宰相七人五出主門下薛紹太宗女城陽公主之子也 公主多陰謀

后嘗謂類我而主內與謀外檢畏終后世無他訾後預誅二張功增彌鎮國生三子崇簡崇敏崇行皆拜三品至睿宗朝實封至萬戶三子封王請地為沼安樂公主中宗最幼女帝遷房陵而主生解衣以祿之名曰畏兒姝秀辯敏后尤愛之下嫁武崇訓帝復位侯王柄臣多出其門與太平等七公主俱開府置官屬而主府官屬尤濫降墨勅封授之號斜封官嘗請昆明池為沼帝曰先帝未有以此沼與人者主不悅因大役人徒自鑿定昆池延袤數里累石肖華山 公主恃寵賣官鬻爵或自為制敕揜其文令上署之上笑而從之自請為皇太女上雖不從亦不譴責公主先適武三思子崇訓後崇訓誅死又適崇訓

弟延秀 太平安樂公主各樹朋黨更相譖斥中宗詔武平一
曰親貴多不輯睦何法以和之平一以為宜斥逐奸險抑慈存
嚴示以知禁毋令積惡上不能用 公主附會韋氏熱可炙手
道路畏焉萬迴望見車騎連唾曰血腥血腥 **婦大將軍** 漢衛
青少服役平陽公主家後為大將軍貴顯震天下公主化離作
配左右以為無如大將軍公主曰此我家馬前奴也不可已而
遍擇群臣貴顯無踰大將軍者 **婦大將軍** 唐宣
宗萬壽公主適起居郎鄭顯帝曰執婦禮皆如臣庶之法毋得
輕夫族顯弟顯嘗得危疾帝遣使視之還問公主何在曰慈恩
寺觀戲場帝怒亟召公主責之豈有小郎病不往視乃觀戲乎

唐庫寶

唐懿宗同昌公主適右拾遺韋保衡賜錢五百萬

貫仍罄內庫寶貨以實其宅以金銀為井欄藥臼食櫃水槽製
水精火齊琉璃等休支以金龜合百寶為圖案 **行盥饋禮** 唐

王珪子敬直尚南平公主先是公主未行見舅姑禮珪曰主上
欽明動循禮法吾當受公主謁見豈為身榮所以成國家之義
耳與夫人坐堂上公主執笄行盥饋之禮 **同家人禮** 唐憲宗

岐陽公主有賢行適杜佑孫恹杜氏大族尊行不翅數十人公
主卑委怡順一同家人禮始至與恹謀曰上所賜奴婢卒不肯
窮屈奏請納之悉自市寒賤可制指者自是閨門落然不聞人
聲 **鐵管畫屏** 唐漢陽公主貞元初與諸公主皆進封爭為奢

後而主獨以儉嘗用鐵簪畫壁自記田租所入文宗因主入問
曰姑所服何年法也今之弊何代而然對曰妾自貞元時辭宮
所服皆當時賜未嘗敢變若陛下示所好于下誰敢不從帝悅

親執金鼓

唐平陽公主薨詔加鼓吹班劍以葬太常奏禮婦
人無鼓吹唐主曰鼓吹軍樂也公主親執金鼓興義兵以成大

業豈與常婦人比乎

勸導法度

唐宣宗欲以校書郎于琮尚

永福公主既而中寢曰朕近與此女子食對朕輒折匕筋性情
如此豈可為士大夫之妻乃更命琮尚廣德公主後琮為韋保
衡所譖貶為韶州刺史公主與琮偕之韶州行則肩輿相對坐
則執琮之帶琮由是獲全時諸公主多驕縱惟廣德勸導法度

內外稱之謗以政事

宋魏國大長公主太宗之女仁宗之姑

幼不好美貌類太宗下嫁李遵勗其賓客皆一時賢士大夫每
宴集公主必親視饗餼之節章獻太后訪以政事多語祖宗舊
事以諷導勗守許州暴得疾主不待奏而行及居夫喪哀麻未
嘗去身服除不復御鮮華嘗宴禁中仁宗親為簪花主辭曰自
誓不復為此久矣未幾病目帝自臨視親馭主目左右感泣帝
亦悲慟後以暴疾聞帝促駕往視未至而主卒乃即堂易服奠
哭謚獻穆**遺履身仙** 王莽秉政南陽公主避於華山學道昇
仙至今嶺上有朱履傳云公主既於山中得道駙馬王咸聞追
之不及故留二履以示之潘安仁有公主峯記**水園田** 竇

憲以賤直請棄沁水公主園田主逼畏不敢計後章帝駕出過園指以問憲憲陰喝不得對後發覺帝大怒切責憲曰何用愈趙高指鹿為馬貴主園尚見枉奪何況小民哉國家棄憲如孤雛腐鼠耳憲大懼

晉永嘉之亂安陽公主平城公主奔八兩河界悉為民家妻常怏怏不悅有故鄉之思村民感之共築一臺以居之謂之公主望鄉之館 義陽公主出奔至洛南士卒二千餘人留守不去劉曜攻破之主有殊色曜特逼之左手刃曜不中遂自刃曜竒其節遣葬之立義陽公主祠

晉 宋山陰公主孝武女也適何戡謂明帝曰妾與陛下俱託體先帝陛下六宮萬數而妾唯駙馬一人事不均平一何至此

帝乃為主置面首左右三十人主以吏部楮淵貌美就帝請以自侍帝許之召彥回西上闕宿十日公主夜就之彥回正身而立後夕至曉主謂曰君鬚髯如戟何無丈夫意彥回終不肯從

任表讓婚 宋世諸主莫不嚴如明帝每嫉之江數當尚孝武女上乃使人為數作表讓婚曰賴門寒族本隔天姻願審轄蔽伏用憂惶雖門卷宗榮於臣非幸自晉氏以來配尚王姬者王敦懾氣桓溫歛威真長佯愚以求免了敬多足以違詔王偃無仲都之質而裸露於北階何瑀闕龍工之姿而投軀於深井謝莊殆自同於矇叟殷冲幾不免於疆鉏王藻雖復疆很頗經學涉戲笑之事遂為寃塊楮賧憂憤用致天絕傷理害義難以具

聞帝以此表遍示諸主以諷切之并為戲笑

南史

進食千盤

唐壽安公主

絳王

適成德節度使王元逵元逵遣段氏姑納聘

禮進食千盤并御衣

不許為郎

館陶公主為子求郎明帝不

許而賜錢十萬謂羣臣曰郎官上應列宿出宰百里非其人民

受其殃是以難之

格殺其奴

後漢董宣為洛陽令時湖陽公

主蒼頭白日殺人因匿主家吏不能得及主出行而以奴駮乘

宣叱奴下車因格殺之

捧破其車

後魏高道穆為御史尉莊

帝姊壽陽公主行犯清路執赤捧卒呵之不止道穆令捧破其

車公主深以為恨泣以訴帝帝謂主曰高中尉清貞之人彼所

行者公事豈可以私書之

遠嫁烏孫

烏孫以馬千匹聘漢女

元封中遣江都王建六細君為公主以妻焉賜乘輿服御物為

備官屬侍御數百人贈送甚盛烏孫昆莫以為右夫人公主至

其國自治宮室歲時再過昆莫年老言語不通公主悲愁自為

作歌天子聞而憐之

帝王之女

昔堯女有娥皇女英舜妹有

駮手舜女有宵明燭光湯妹有帝乙婦妹周成王之女嫁于陳

並未有封邑之號至周中葉天子嫁女子諸侯天子至尊不自

主婚必使諸侯同姓者主之始謂之公主

駮馬

漢武帝初置駮馬都尉掌御馬始有駮馬之名歷兩

漢多宗室及外戚諸公子孫任之至魏何晏進之孫

馬都尉後代尚公主者皆從魏晉之制 尚主之制非古也釐
降二女陶唐之典婦妹元吉帝乙之訓王姬歸齊宗周之禮以
陰乘陽違天以婦凌夫違人違天不祥違人不義漢書漢家列
侯尚公主諸侯則國人承翁主使男事女夫詘於婦逆陰陽之
位故多女亂上同宋世以駙馬都尉為粉侯文及甫抵書邢恕
謂駙馬韓嘉彥兄忠彥為粉兄劉摯傳

有子壻禮

張敖嗣父耳為趙王尚魯元公主後上過趙趙王

朝夕祖講蔽自上食體甚卑有子壻禮與主爭言

郭曖子儀

第六子尚代宗女昇平公主嘗與爭言曖曰汝倚乃父為天子
耶我父薄天子而不為子儀聞之囚曖入待罪上曰不癡不辭

不為家翁兒女子閨女之言何足聽也子儀歸杖郭曖數十兄

弟尚主

竇固尚溫陽公主喜兵法貴顯用事襲世父融爵封

顯親侯顯宗時以明習邊事拜奉車都尉在邊數年人服其息

融長子穆尚內黃公主坐事死故固得襲融爵父子尚主唐

薛瓘與子紹瓘堂姪做與做子繡竝尚公主一門四主固讓不

聽楊喬為尚書教上書言事桓帝愛其子貌詔妻以公主喬

固讓不聽遂閉口不食七日而死尚三公主劉昶尚武邑公

主主薨更尚建興公主又薨更尚平陽公主及昶終與三公主

同塋異穴引升御榻唐蕭嵩子衡尚新昌公主嵩妻入謁呼

為親家帝或引衡升御榻呼為蕭郎伴與佩刀唐薛萬徹尚

丹陽公主太宗嘗謂人曰薛駙馬材氣主羞之不與同席數月
帝聞而大笑置酒召對握槊賭所佩刀帝佯為不勝解刀以佩
之罷酒主悅甚薛未及就馬遽召同載而還重之逾於舊對置
幕府 唐高祖女平陽公主下嫁柴紹初高祖兵興主與紹發
家貲招南山亡命得數百人以應帝威鎮關中後引兵與秦王
會於渭北紹與主對置幕府分定京師號娘子軍**送道長沙**
荀氏家傳荀羨字令則年十五擬國婚之選羨不欲連姻帝室
乃遠遁長沙監司追尋不獲已遂尚晉元帝女潯陽公主**出知**
衛州 温公行狀李瑋尚宛國公主主以驕恣聞不安於李氏
詔瑋出知衛州公主入居禁中而瑋母楊婦其兄璋散遣其家

人温公言陛下追念母家使瑋尚公主今乃母子離析家事流
落陛下獨無雨露之恩博測之心乎瑋既責降公主亦不得無
罪上感悟詔公主降封析國待李氏恩禮不衰**封駙馬制** 唐
中宗賜駙馬封制分榮戚里籍寵皇朝恭肅著於立身恪勤效
於從政鳳凰樓上宛符琴瑟之歡烏鵲橋前載叶松蘿之契

宗室

禮記天子同姓謂之伯父叔父 詩太宗維翰宗子
維城 本支百世 春秋諸侯之子稱公子公子之
子稱公孫公孫之子稱公族 左傳公族公室之枝葉若去之
則本根無所庇廕矣 叙傳公族蕃滋支葉碩茂

心居魏闕

中山公子牟曰身在江湖之上心居魏闕之下**青**

劉向校書

劉向校書天祿閣夜有老人着黃衣植青藜杖授向五行洪範云我是太乙之精天帝聞卯金之子有博學者下而觀焉出懷中玉牒授向乃天文地理之書向年十二以父德任為輦郎以行修飾擢諫議大夫向云身為宗室遺老歷事三主遂上封事極諫

宗室

劉辟彊好讀書能屬文武帝時以

宗室子

隨二千石議論冠諸宗室召見金鑾

賀知章言李白

於元宗召見金鑾殿論當世事奏頌一篇帝賜食親為調羹有詔供奉翰林白猶與飲徒醉于市召入為樂章而白已醉左右以水頰面稍解援筆成文

宗室

晉主炎徵魏氏孤立之弊故大封宗室授以職任又詔諸王皆得自選國中長吏齊王

攸獨不敢皆上請

祖述曰晉室之亂由宗室爭權自相魚肉

不及魚鳥

隋宗室舊制在宮有出入之防有不許外交之禁故梁忠烈曰吾不及魚鳥遠矣魚鳥飛浮任其志惟吾之進退常在人掌握若使吾終與魚鳥同游則去人間如脫屣耳

宗室

宋制宗子特立學以養之而取才焉其出身仕宦與民

庶略等英宗在灑邸與燕王宮族人世雄厚善兩家各產子同年月日時是為神宗而世雄之子令鏐也神宗後即帝位令鏐登科第一後嘉王為北元趙汝愚楚王元佐七世孫也為宰相

相裁損恩數

宋王荆公作相裁損宗室恩數於是宗子相率

馬首陳狀訴云均是宗室子抑且告相公者祖宗面荆公厲聲

曰祖宗親盡亦須桃何况賢輩於是皆散宋皇

祐五年右親龍武大將軍趙克棟上擬試詩賦論十卷且隨舉

八人赴殿試上曰宗子好學亦朝廷羨事也令學士院召試三

題既中等遷右衛大將軍重修三謀宋真宗以趙安仁為宗

正卿重修玉牒屬籍又為倦源積慶圖寧天清樓宋治平中

宗室四千餘人親王置翊善侍講記室餘則宮院都講教授歲

時有喜慶事則侍宴崇政殿或太清樓

外戚

瑣瑣姻婭則無膺仕詩軒冕王官同許史之繁漢婚燕姻帝室比姜媪之宜周集流車躍馬豈無甲觀之親

漱宅閉門不有椒房之勢同王之元舅文武是憲詩

不以私相

張蒼免相文帝以皇后弟竇廣國有賢行欲相之

曰恐天下以吾私廣國乃以申屠嘉為相本傳為相傲兄武

帝即位田蚡以肺腑為相權移主上嘗召客飲坐其兄蓋侯北

嚮自坐東嚮以為漢相尊不可以兄故私撓由此滋驕治宅甲

諸第田園極膏腴市買郡縣器物相屬於道前堂羅鐘鼓立曲

旃後房婦女以百數持恩誅霍光受遺詔輔昭立宣昆弟

諸婿外孫皆奉朝請後因藥殺許后霍氏連坐誅滅者數千家

同日五侯成帝時王氏五人同日封侯黃霧四塞能制外戚

光武閔傷前代權臣大盛外戚與政后族陰郭之家不過九卿

親屬榮位不能及許史王氏之半耳不與雲馬援女立為

顯宗皇后永平間畫建武中名臣列將於雲臺以椒房故獨不
及接**四姓小學** 永平中為外戚樊氏郭氏陰氏馬氏諸子弟
立學號四姓小學**不私其兄** 明德皇后自撰顯宗起居注削
去兄防參醫藥事章帝請曰黃門舅旦夕供養且一年既無衰
異又不錄其勤勞母乃過乎太后曰吾不欲令後世聞先帝數
親後宮之家故不著 馬后云前過躍龍門上見外家問起居
者車如流水馬如游龍蒼頭綠衣褱領袖正白視御者不及遠
矣其車服不軌者更絕屬籍於是內外從化 和熹鄧后和帝
后也帝每欲官爵鄧氏后輒哀請謙讓故兄隲終帝世不過虎
賁郎**不訪外家** 隋六帝外家呂氏甚微求訪不知所在開皇

初汝南郡上言有男名呂永者自稱有姑字苦桃嫁楊氏勘驗
知是舅家而貴之**世為厚戚** 竇氏自武德以來尚主者八人
女為王妃者十人竇威曰臣家在漢再為外戚至元魏有三皇
后今陛下龍興臣復以姻戚推風夜惧不克任帝曰公以三后
族夸我耶關東人與崔盧昏猶自矜大公世為帝戚不亦貴乎
生女勿怒 史記武帝衛后弟青封長平侯四子皆封侯貴震
天下天下歌曰生男無喜生女勿怒獨不見衛青子夫爵天下
青率六將軍擊右賢王潰圍去得裨王十餘人眾萬五千餘人
天子使使者持大將軍印即軍中拜青為大將軍封青三子長
伉為宜春侯次不疑為陰安侯次登為發干侯獨以女賤 漢

御史大夫李延壽卒在位多舉馮野王上曰吾用野王為三公後世必謂我私後宮親屬野王嘆曰人皆以女寵貴我兄弟獨以女賤稱而良輔

每存謙柔虛已進賢辟李固周舉為從事中郎京師翕然稱為

良輔

世說東漢明帝為外祖築館情鍾舅氏問左

右館當何名侍中繆襲曰陛下聖恩齊於哲王罔極過於曾閔

此館之興宜以渭陽為名

書戒實憲 實憲弟篤景瓌皆在親

要崔駰以書戒憲曰昔馮野王稱為賢臣近陰衛尉克已復禮終受多福外戚所以獲譏於時垂愆於後者蓋在滿而不挹位有餘而仁不足漢興外家二十保族全身四人而已

嚴調梁冀

崔琦以文章稱梁冀請與之交崔以其行多不軌數引古今成敗以戒之冀不聽乃作外戚箴以風之冀怒琦曰管仲樂聞幾諫之言蕭何乃設書過之吏將軍不能納貞良以救禍敗反欲拙士口蔽主聰使鹿馬易形乎冀殺之

人當知足

建武九年

封陰貴人弟就為宣恩侯復召就兄侍中興敬封之置印綬於前興固讓帝嘉之不奪其志貴人問其故興曰外戚家苦不知謙退嫁女欲配侯王娶婦盼眈公主愚心實不安也富貴有極人當知足貴人感其言卒不為宗親求位 貴人立為皇后東海王為太子陰識守執金吾陰興為衛尉輔導太子帝欲以興為司徒興讓曰臣不敢惜身誠虧損德不敢苟冒帝遂聽之陰

氏之先出管仲七世孫修自齊適楚為陰大夫因而氏焉

墮地 安帝時閻后兄弟並與禁兵尚書翟酺上書曰昔鄧竇

之寵傾動四方無官重祿及金積貨及其破壞頭顱墮地願為

孤豚豈可得哉 **隱居以空** 唐武攸緒則天姪也恬澹寡欲日

以周易及老莊書以自娛隱居龍門少室間冬蔽茅椒夏居石

室晚年肌肉充潤瞳有紫光晝能見星 **何舅好事** 唐宣宗舅

鄭光鎮河中上封其妻為夫人不受表辭曰白屋同愁已失鳳

鳴之侶朱門自樂難容烏合之人上笑曰誰教阿舅在此好事

恐騰物議 石保吉求為使相真宗以問李沆對曰保吉因

緣戚里無攻戰之勞台席之拜恐騰物議遂寢其事 **請門拜**

李繼隆在真宗朝以元舅之親恩禮甚篤明德太后寢疾

欲面見之上促其往繼隆但詣萬安門拜箋終不見又常命諸

王諸弟謁繼隆繼隆不設湯茗第假王府從行茶爐烹飲焉史

稱其多智用能謙謹保身 **起家賜第** 宋丁謂起甲第鉅麗

無比軍卒楊杲宗躬負土之後勞苦萬狀後杲宗以外戚起家

晉公得罪貶海上朝廷以其第賜杲宗居之 **不冒恩澤** 曹琮

為衛州團練使琮女元為后奏曰陛下以至公理天下臣備位

后族不宜冒恩澤亂朝廷法

類苑叢寶卷之十

類苑叢寶卷之十

